

TAU 7-10

He aha taku Tapuwae Waro?

What's my Carbon Footprint?



TIROHANGA WHĀNUI

Ka ārahi tēnei rauemi ako marau-maha, uiui i ngā ākonga ki te tūhura me te tātaitai i tō rātou ake tapuwae waro, me te whakarite i tētahi mahere mahi takitahi hei whakaiti i ō rātou tukunga waro. Ka kite ngā ākonga he pēhea te īhua o ā rātou mahi kī ā ētahi atu i tō rātou whenua me te ao, ā, ka whai wāhi pea ki te whakawhitihiti ki ētahi atu ākonga i whenua kē.

NGĀ HONO O TE MARAUTANGA O AOTEAROA

NGĀ WĀHANGA AKO:	NGĀ WHĀINGA PAETAE:	NGĀ TAUMATA:	NGĀ TAU:
Pūtaiao: Te Āhua o te Pūtaiao: Te Whai Wāhi me te Whakatakoto Whakaaro: Papatūānuku me Tua Atu	<p>Te whakawhanake i te mārama ki ngā take pūtaiao-pāpori mā te kohikohi i ngā mōhiohio pūtaiao hāngai hei whakatakoto whakatau mai i ngā whakaaturanga me te kōkiri mahi ina tika ana.</p> <p>Te whakawhanake i te mārama he pēhea te mahi tahi a te ao ā-nuku, te ao wai, te kōhauhau me te ao koiora ki te neke haere i te waro i te ao.</p>	5-6	7-10
Tikanga ā-Iwi	Ka whiwhi mōhio, pūkenga, wheako hoki ngā ākonga kia mārama ai ki te pānga ki te taiao me te toitūtanga pāpori i te āhua o te whakahaere a te tangata i ngā rawa.	5-6	7-10

NGĀ MŌHIOHIO MĀ TE KAIAKO

Mā tēnei rauemi ka taea e te ākonga te whakahaere tāna ake uiui ki te ariā, te ine me te whakamahi i te tapuwae waro. Ko te koronga mā te ākonga tonu e whakahaere tana kaupapa uiui whai muri i te tuku whakamārama me te whakatakoto i te horopaki.

Ka whakahaerehia takitahitia e ngā ākonga te rangahau motuhake mō ngā tapuwae waro, i rō rōpū iti rānei (he pai te tokotoru), kātahi ka whakamahi i ngā ariā ka riro mai hei tātaitai i tō rātou ake tapuwae waro. Whai muri i tēnei ka hangaia he mahere mahi hei whakaiti i tō rātou tapuwae waro.

He pai tēnei mahi mā ngā ākonga pūtaiao Tau 9-10, he kōrero mōhiohio tuatahi pe a ēnei mō te waro mō te Pūtaiao NCEA 1.14 (Te whakaatu māramatanga mō te nekenekē a te waro). Ka taea hoki te whakamahi tēnei rauemi hei mahi whakawhānui mā ō ākonga tamariki ake.

He Whakamārama mō te Waro

He haurehu tae-kore, rongo-kore te hauhā, kitea ai ūna rahinga iti i te kōhauhau. Ka ngongoa e ngā tipu te hauhā i te tukanga ahotakakame. Tuku ai ngā kararehe me ngā tipu i te hauhā i te wā tukupūngao. Ka nekenekē haere te waro i ūna tūmomo āhua i te kōhauhau, te ao wai, te ao koiora me te ao ā-nuku. Ka pikī i te ngingiha waro mātātoka (waro, hinu, haurehu) mai i te ao ā-nuku te nui o te hauhā kei te kōhauhau. He haurehu kati mahana te hauhā, arā he tuku

mai i te iraruke kōmaru (pūngao ngaru poto) engari he ngongo i te iraruke pōkākā ngaru roa e whakahokia atu ana e Papatūānuku ki te tuārangi mai i ngā mata mahana. Mā te whakapiki i te hauhā i te kōhauhau ka whakahekeia te nui o te iraruke ngaru roa e puta ana ki te tuārangi e mahana ake te pūnaha moana-kōhauhau.

Tukuna ai te hauhā mā te ngingiha koranehe e ngā tūmomo mahi rerekē a te tangata tae atu ki te whakanao hiko, te tūnuku, ngā mahi hangatanga me te ahuwhenua. Ko ngā tukunga waro, otirā i te āhua hauhā, ka whai pānga ki te taiao mā te whakarei ake i te pānga hau kati kōtuhi o te kōhauhau. Kua kitea kētia ngā pānga o ēnei tukunga nā te whakamahanatanga o te mata o te ao, te mahana haere o ngā moana, te kino haere o te huarere, te rewatanga o ngā kōpaka, te pikī o te tai moana, te waikawatanga o ngā moana me ētahi atu pānga.

Mō ngā tukunga waro o te tangata kei runga kē i ngā hanganga o te whenua me te rohe e noho ana rātou, engari ka taea hoki te whakaawe e ai ki ngā kōwhiringa āhua noho me ngā ritenga a te tangata. Ko te tapuwae waro tētahi āhuatanga o te ine i te rahinga ā-tana o te waro ka puta i te tangata kotahi mō te kotahi tau me te whai wāhi o tērā ki te whakamahana o te ao.

He tino arawātea tēnei uiui mō ngā akoranga marau-maha me te hono ki ētahi atu wāhi maha o te NZC:

Te Pāngarau me te Tauanga	Ko tēnei rauemi pea te tūāpapa mō te akomanga ki te kōrero, te whakaemi me te wetewete i ngā mōhiohio kua riro mai mō ō rātou tapuwae waro. Hei tauira, ngā raraunga akomanga kauwhata hei kauwhata pouhere me te kimi i te toharite me te ine mahora. Me whakataurite ki ētahi atu ākonga puta noa i te ao mā tētahi kaupapa e whakahaerehia ana e Te Whare Wānanga o Stanford e kīia ana ko te International Student Carbon Footprint Challenge.
Te Mātauranga Ōhanga, te Mātauranga Matawhenua hoki/rānei	He puna raraunga tino rawe te Carbon Footprint of Nations e taea ai te whakataurite ngā raraunga takiwā, whakairoiro, tatau hāngai pērā i te taupori o te whenua ki te GDP/CO ₂ mā ia tangata me te tirotiro i tōna rerekē haere i roto i te wā (mai i te tau 1990).

Ngā rauemi e hiahiatia ana

- Hono ki te raumahi ākonga i **konei**
- Hono ki ngā tautoko rauemi i **konei**

E tohu ana ngā kuputuhī miramira **karaka** i tētahi hono ki ētahi rauemi atu anō. Mēnā kua tāngia e koe tēnei rauemi, me hoki ki schoolgen.co.nz/for-teachers/resources/ hei toro atu ki ngā rauemi kua honoa.

**Raumahi Ākonga**

He aha Taku Tapuwae Waro? What's My Carbon Footprint?

Uiui a te Ākonga

Tirohanga whānui

Ka whakamahia e koe ngā rangahau kei te ipurangi kia mōhio ai koe ki tō tapuwae waro mā te whakamahi i ngā tātaitai waro tuihono. Kātahi ka whakarite mahere mō ngā āhuatanga hei whakaheke i tērā!

Hei tīmata me oti i a koe he rangahau kia mārama ai koe ki ngā ariā hira e mahi ana koe. Kua tukuna kētia ētahi rauemi paetukutuku pai hei āwhina i a koe kia tīmata. Kia maumahara ki te whakamahi anake ko ngā paetukutuku tōtika me te pono mō ngā mōhiohio.

Tapuwae Waro - he aha ngā mea e mōhio ana koe?

Ohia manomanotia ō whakaaro ki konei:



**EMPOWERING
KIWI KIDS**



Raumahi Ākonga

Kia mōhio: Ina whakamahia e koe te ipurangi hei rangahau whakaaro, me mātua whakamārama koe nō hea ō mōhiohio. Kaua e whakamahi noa ko ngā mōhiohio tuatahi ka kitea e koe, me mātua whakarite kei te tika te puna e whakamahi ana koe mā te whakataurite i ētahi whakautu mai i ngā puna rerekē.

Kaua rawa e kape ka whakapiri tonu atu mai i tētahi paetukutuku. Pānuitia ngā mōhiohio, me tuhi ki roto i ū ake whakaaro ka whakamārama mai nō hea ō mōhiohio. Anei ētahi āhuatanga rerekē ka taea e koe mō tēnei.

Tauira 1: *E ai ki te National Geographic 2023, whakamahia ai e ngā arewhana te paruparu hei ārai atu i te pare tīkākā. Ka whiua ngā paruparu ki runga katoa i te tinana mā te ihu roa hei tiaki i te kiri mai i te rā.*

Tauira 2: *Ko tētahi āhuatanga e mōhio ai koe ki te rerekē o ngā momo arewhana ko te āhua o ngā taringa. He nui ake ngā taringa o ngā arewhana o Awherika tēnā i ngā arewhana o Āhia. (World Wildlife Fund, 2023)*

Tūmahi 1: Ngā whakamārama o ngā kupu hira

Tuhia ngā whakamārama o ngā kupu hira ki te tūtohi i raro kia mārama ai koe.
Kaua e kape tika mai i ngā whakamārama mai i ngā puna, me whakamātau ki te tuhi mā ū ake kupu i ngā wāhi ka taea.

Kupu hira	Taku whakamārama:
Waro	
Hauhā	
Ngingiha	
Hau Kati Kōtuhi	
Whakamahana o te Ao	
Huringa Āhuarangi	



Raumahi Ākonga

Tūmahi 2: Tūhura

He aha ētahi painga o te mōhio he aha te tapuwae waro?

Tūmahi 3: Tātaitai

Tātaitaitia tōu ake tapuwae waro

Tūmahi 4: Mahere Mahi

Whakamāramahia te mahi ka taea e koe	Te taumata uaua o te mahi (Māmā/āhua māmā/uaua) Me whakamārama he aha i kōwhiria ai e koe tēnei taumata uaua.	Me whakamārama ka pēhea te whakaheke a tēnei mahi i tō tapuwae waro





Raumahi Ākonga

Tūmahi 5: Aromātai

Me whiriwhiri i ngā mahi e 2 ka tino pūmau koe i roto i te tau.

Mahi:	Aromātai: <i>Me whakaaro ake ko wai te hunga hei āwhina i a koe kia tutuki ai te mahi. He aha te take he pai tō mahi i tēnei mahi? He aha ngā mea ka aukati pea i tō mahi i tēnei? Me pēhea te whai a ētahi atu i tēnei mahi?</i>
Mahi 1	
Mahi 2	

Tūmahi 6: Whakawhānui

Kimihia te tapuwae waro o Aotearoa mō tētahi tau tata nei ka whakataurite ki ētahi atu whenua.

He nui ake, he iti iho rānei te tapuwae waro o Aotearoa i ētahi atu whenua?

He aha ki a koe pea ētahi take mō ngā rerekētanga?

Tūmahi 7: Arohaehae

Ki te tangata, “E kore e taea te huri tō tātou tapuwae waro ā-ao, he uua rawa”.

Ka pēhea tō whakautu ki tērā, ā, ka pēhea tō whakamahi i ngā whakaaturanga pūtaiao hei tautoko i ō kōrero?

--





Raumahi Ākonga

Tūmahi 8: Hanga

Hangaia tāu ake whakaaturanga mō te tapuwae waro hei whakamōhio atu ki te kura mō ō kitenga mai i tēnei uiui.

Tērā pea he pānui whakaahua/kauhau/waiata/rapi/tuhinga roa/mahi toi

Ohia manomanotia ō whakaaro ki konei ka tono kia waitohua e tō kaiako i mua i tō tīmata ki te hanga!

